

賦咏祖

五言古詩

芎藭生蜀道白芷來江南漂流到閩輔猶不失芳甘濯
濯翠莖滿情、清露寒及其木花寔可以資筐盤秋節
忽已老苦寒非所堪斫根取其芎對此微物慚東坡

七言八句

燥吻時、著酒濡要令卧疾致文殊河魚清腹空號楚
汗水流散始信吳自笑方求三歲艾不如長作獨眠夫
羨君清瘦真仙骨更助飄、鶴背驅東坡次韻公濟謝芎藭

檳榔

事實祖

碎錄

樹高五七丈正直無枝皮似青桐節似桂枝葉生木顛
大如楸頭其實作房從葉中出傍有若棘針重疊其下
一房數百實如雞子狀皆有皮殼肉滿殼中味苦澁得
扶留藤與瓦屋子灰同咀嚼之則柔滑而甘美其俗云
南方地濕不食此無以祛瘴厲也本草其大腹子與檳榔
相似檳榔尖者乃是今貨者多大腹子也生南海今嶺
外諸郡皆有之同栲藤可以食檳榔蓋蒟醬也坡詩南

中風俗男聘女必以檳榔盤為禮賓客會見必先進檳榔若不設用相嫌恨郡志

紀要

劉穆之少貧性妻兄江氏乞食畢求檳榔江氏戲曰檳榔消食君常飢何須此穆之為丹陽令乃令厨人以金拌貯一斛與其妻兄弟南史

雜著

無勞朱實兼荔枝之五滋能發紅顏類芙蓉之十酒梁啟

賦咏祖

五言散句

檳榔共聘幣鄭松憲

綠房千子發紫穗百花開周庚信

七言散句

棧欄葉子海棠花誠齋

不用長愁挂月村檳榔生子竹生孫東坡

五言古詩散聯

羞比朱櫻熟詎易熟梨津莫言蒂中久當看心裏新微芳雖不足含咀願相親劉孝綽

五言八句

左傳補 卷三十一
憶昔南遊日初嘗面發紅藥囊知有用茗椀詎能同躅
疾收殊效修真錄異功三彭如不避糜爛七非中朱文公

七言絕句

蠻烟雨裏紅千樹逐水排痕肘後方莫笑思飢窮縣令
煩君一斛寄檳榔山谷

人、藤葉嚼檳榔戶、茅簷覆土牀只有春風不寒乞
隔牆吹渡柚花香揚誠齋

七言八句

海角人烟百萬家密風未變事堪嗟果堆羊 烏青攬

菜釘丁香紫白茄楊棗實酸薄蒟子山茶無葉木綿花
一般氣味真難學自啖檳榔當啜茶鄭松窓 薄蒟如棗而酸

扶留

賦咏祖

五言絕句

根節含露辛苔穎扶援綠蠻中靈草多夏永清陰足朱文公

薏苡

事實祖

碎錄

春生苗莖高三四尺葉如黍開紅白花作穗子五六月結實形如珠子而稍長故名薏珠子小兒多以線穿如貫珠戲細舂為飯或煮粥亦好今人多取葉為飯本草

紀要

馬援在交趾嘗餌薏苡以勝瘴氣軍還載之一車時人以為南土珍貴權貴疑之援方有寵故莫以聞及卒有上書譖之者以謂前所載還乃明珠文犀爾上益怒後漢書

賦咏祖

七言散句

胡樹尚殺元丞相薏苡猶疑馬伏波徐竹隱

五言古詩

伏波飯薏苡禦瘴傳神良能除五溪毒不救讒言傷
讒言風雨過瘴癘久亦亡兩俱不足治但愛草木長
草木各有宜珍產駢南荒絳囊懸荔枝雪粉剖枕榔
不謂蓬萊姿中有藥與糧舂為芡珠圓炊作菰米香
子美拾橡栗黃精誑空腸今吾獨何者玉粒照座光東坡

五言古詩散聯

佳實散南州流傳卻山瘴如何馬伏波生取立山謗温

七言古詩

初遊唐安飯蕙米炊成不減雕胡美大如芡實白如玉
滑欲流匙香滿屋腹腴項鬢不入盤况復食酪誇甘酸
束歸思之未易得每以問人、不識嗚呼竒材從古棄
草菅君試求之籬落間 苾翁

七言古詩散聯

葉如華黍寔如珠移種宮庭特葱蒨但蠲病渴付相如
勿恤謗言歸馬援 聖俞

黃精

事實祖

碎錄

一名兔竹一名救窮服花勝實服實勝根 花朴子

紀要

陸通字接輿與妻俱隱峨眉諸名山食菌櫨實服黃精
子俗傳以為仙 高士傳

五言散句

三春濕黃精一食生羽毛 少陵

七言散句

掃除白髮黃精在 杜

詩人空腹待黃精 東坡

雪底黃精興不疎 荆公

五言古詩

靈藥出西山服食求其根
九蒸換凡骨經著上世言
候火起中夜馨香滿南軒
齋居感眾靈藥術啟妙門
自懷物外心豈與俗士論
終期脫印綬永與天壤存
韋應物

七言古詩

長鏡長鏡白木柄我生託子
以為命黃精無苗山雪盛
短衣數挽不掩脰此時與子
空歸來男呻女吟四壁靜
嗚呼二歌子歌始放隣里為
我色惆悵 少陵

七言絕句

太華西南第幾峯落花流水自
重々幽人只採黃精去

不見春山鹿養茸 東坡

金櫻子

事實祖

碎錄

金櫻子今叢生于籬落間類薔薇
有刺霜後方紅熟味甘少澁止
多便斂精氣今野人盛摘搗汁
熬成糖本草
賦咏祖

五言古詩

人生欲長存日月不肯遲百歲風吹過忽成甘蔗姿傳
聞上世士烹餌草木滋千秋垂綠髮每恨不同時李侯
好方術時後探神竒金櫻出黃墳刺橐攬霜枝寒窓司
火候古鼎凍膠飴初嘗不可口醇酒和味宜至今年七
十孺子色不衰田中按耘鉏孫息親抱持却咲隣舍翁
未老須杖藜山谷和公善食櫻餅

假守富春公秋毫聽民詞夙夜臨公廳婦臥酸體肢李
侯來饋藥期以十月知深中護露根金鎖秘玉符不須
許斧子辛勤采五芝我方困健訟搥翁爭一錐不能鳴
絃坐頗愧巫馬期敢乞刀圭餘婦和卯飲危倘令夏民

病從此得國醫

七言絕句

三月花如簷蔔香霜中採實似金黃煎成風味亦不淺

潤色猶煩頌長康

姚西岩

麥門冬

事實祖

碎錄

葉似莎草長及尺餘四季不凋根作連珠形似橫麥顆

本取苗作水飲同天門冬春生藤蔓如釵股高至丈餘

葉似茴香秋結黑子在其根一名蒙草

賦詠祖

五言古詩

佳人種碧草所愛凌風霜
佳人昔已歿草色猶蒼
思人不忍棄期植寒種傍

五言絕句

高蘿引蔓長挿棧垂碧絲
西窓夜來雨無人領幽姿
朱文公天門冬

七言絕句

一枕清風值萬錢
無人肯買北窓眠
開心暖胃門冬飲
知是東坡手自煎
東坡送門冬飲與元章

蘇

事實祖

碎錄

有水蘇紫蘇假蘇三種
水蘇又名雞蘇紫蘇葉色甚紫
而氣甚香其不紫無香者為野蘇
不堪用其子主下氣
與橘皮相宜
草本假蘇又名荆芥

賦詠祖

五言古詩

歲暮有秋望帶經且親鋤
今茲五月交盛陽精已徂
卷生寄空瓢雖乏未可虛
正以供一飲形骸如此劬
劉原

父

胡麻

事實祖

碎錄

狗蟲巨勝也藤弘胡麻也陶隱居士云莖方者名巨勝
 圓者名胡麻形類麻故名胡麻又八穀中稟為大勝故
 名巨勝苗曰青叢始生上黨山澤今處、有之通名脂
 麻俗訛作芝麻有白黑二種黑色者良苗梗如麻而葉
 圓銳光澤嫩時可作蔬廣雅

紀要

劉晨阮肇入天台采藥失道食盡見桃實食之覺身輕
 行數里至溪澗持杯取水見一杯流出有胡麻飯溪邊
 二女子咲曰劉阮二郎捉向所失流杯來便迎婦作食
 既出無復相識至家子孫已七世矣天台志

賦咏祖

五言古詩散聯

勉力向藥物曲畦聊自薈胡麻養氣血種以督兒曹聖俞

全芳備祖卷三十一終

國家圖書館 NATIONAL CENTRAL LIBRARY TAIWAN, R.O.C.



